

GWICH'IN GUUVEENJIT NITR'IGWIHÈÈ'AA EENJIT NADHÀT KAT
DAGWEEDI'IN' DIIYAH GUGWAANDAK GWI'DINEHTŁ'ÈÈ'

Gwich'in

Nan Eenjit Łagwiinaadhan Tr'igwiłtsaii

April 1, 2015 – March 31, 2018



Jii nihk'it tr'igwahahtsaa geenjit gahvidandà' gwiiniindhan ji' internet kak
communicationspublications@canada.ca danh tr'igwahnah'a`h.

www.canada.ca/crown-indigenous-relations-northern-affairs

1-800-567-9604

TTY only 1-866-553-0554

QS-5395-300-EGW-A1

Catalogue: R31-9/2018EGW-PDF

ISBN: 978-0-660-30530-1


©Gwiyah'at Choo Chit, Canada geenjit gwits'at k'adagwidaadhat, 2019.

Nigwan Tr'igwiłtsaii Gwidinithit'oh	3
Gwich'in Nàn Eenjit Łagwiinaadhan Tr'altsaii Gugwink'òò'	5
Tr'igwidinuut'oo Ihłak: Tr'igwinah'in ts'at Dagweedi'in'	6
Nits'òò Nigwihee'aa Geenjit Diiyah Tr'igwaandak.....	7
Gugwidint'oo Neekaii: Gwizhìt Gwiheè'aa Geenjit Gwich'in Eenjit Nadhàt Kat	9
Gwich'in Gwichìt Kat	9
Northwest Territories Eenjit Iisrits'at Chit Kat	9
Canada	9
Gugwidint'oo Tik: Dagweedi'in' Eenjit Gwidinithit'oh	10
Gwitr'it Gwiłtsaii Geenjit Diiyah Tr'igwaandak	10
Gwitr'it Eenjit Gadiitr'oonahatan Gitr'igwii'aii	10
Gwich'in Gè'tr'oonahatan Eenjit Łinatr'aadal (Gè'tr'oonahatan Gwitoh Gwiniindhat Gugwitr'it).....	11
Gwich'in Gè'tr'oonahatan Gwi'dineht'èè'	12
Jidii Gwijjiinchii Gòonlih	13
1. Nagwidadhat Ihłak Dagweedi'in' Geenjit Diiyah Tr'igwaandak.....	13
2. GCLCA Ihłak Tr'igwiłtsaii	14
3. GCLCA Ejùk Natr'gwiłtsaii	14
4. Yukon Gwinagoo'ee ts'at Gwa'àn Tr'igwich'in Tseedhòh T'agijahch'uu Gwizhìt Tr'igwinah'in Gwidagwidij'è' – Dagweedi'in' Geenjit Diiyah Tr'igwaandak	15
5. Nihkhah Gwizhìt Gugwinah'in Geenjit Jìlch'eii	15
6. Tseedhòh Dàgwàhchii Tr'altsaii Gwizhìt Gugwinah'in	16
7. Nacho Nyak Dun Dinjii Zhuh Hàh Gigjìkhii	17
8. Nan Nihjeh Tr'igwahtsaii	17
Gwitr'it Nihlinehch'i'	18
1. Yeendòò Gwich'in Eenjit Dagwiheedy'aa K'eejit Natr'igwahtsaii (2013-2023)	18
2. Gwich'in Nan Nits'òò T'atr'ahdahch'aa Gwi'dineht'èè'	19
3. Nan Gwijjiinchii Ts'at Guk'andehtr'inahtih	19
4. Gwich'in Nàn Geenjit Łagwiinaadhan Tr'igwiłtsaii Gugwahnàh'ah	20
Tseedhòh Geenjit	20
1. Nan Kak Jidii T'atr'ahdahch'aa Geenjit Nadhàt Kat.....	20
2. Geenjit Nadhàt Kat Gwizhìt Gugwinah'in' Eenjit Diiyàh Gugwàandak	21
3. Gwizhìt Gwihee'aa Gwitsèedhòò'	21
4. Yukon Gwinagòò'ee Geenjit Łagwiinaadhan Nitr'ihee'aa Gwitsèedhòò'	21
Appendix A – Gwizhìt Gwihee'aa Gwitsèedhòò'	22

NIGWAN TR'IGWIŁTSAIL GWIDINITHITŁ'OH

AiP	Yeendòo Gugwihee'aa Gwi'dinehtł'èe
CIMP	Iisrits'at Diiyeenjit Ejùk Gòonlii Guk'andehnahtii Gugwitr'it
CIRNA	Gwiyah'at Choo Eenjit – Dinjii Zhuh Eenjit ts'at Canada Gwizhìt Ak'oh Nành Kak Geenjit Gwitr'it T'agwah'in Kat
EIA	GNWT Gwizhìt Dinjii Zhuh Eenjit Guk'andehnatii Kat
GAP	Gwich'in Eenjit Gijikhii Kat
GCLCA	Gwich'in Nàn Eenjit Łagwiinaadhan
GLUPB	Gwich'in Nàn Nits'òo T'atr'ahdahch'aa Geenjit Nàdhat Kat
GLWB	Gwich'in Nàn ts'at Chuu K'andehtr'inahtii Eenjit Nàdhat Kat
GNWT	Northwest Territories Eenjit Iisrits'at Chit Kat
GRRB	Nan Gwi'ejìich'ii T'atr'ijahch'uu Guk'atr'inahtii Eenjit Nàdhat Kat
GSA	Gwich'in Nàn Eenjit Łagwiinaadhan Tr'igwiłtsaii
GSCI	Nits'òo Gwich'in Yi'èenoo Nihkhah Gugwiindài' Geenjit Gòo'aii
GTC	Gwich'in Gwichìt Kat
IC	Gwizhìt Nigugwihèe'aa Eenjit Nadhàt Kat
IP	Gwizhìt Nigugwihèe'aa Gwi'dinehtł'èe'
MACA	Kaiik'it Guk'atr'inahtii (Geenjit Gòo'aii) (NWT Gwichìt Kat)
MOU	Nihk'it Gwiiniindhan Gwi'dinehtł'èe'
MVEIRB	Nàgwìchoonjik Gwinagòo'ee Agwehdeendal Gwizhìt Tr'igwinah'in Eenjit Nijìlzhii Kat
MVRMA	<i>Nàgwìchoonjik Gwinagòo'ee Datthàk Guk'àndehnahtii Guudàgwìdjì'è'</i>
NWT	Northwest Territories
ROD	Dagwiiniindhan Gwi'dinehtł'èe'
SRBA	<i>Nan Kak Gwi'ejìich'ii T'atr'ahdach'aa Eenjit Nadhat Gwidagwidjì'è'</i>
YESAA	<i>Yukon Gwinagoo'ee ts'at Gwa'àn Tr'igwich'in Tseedhòh T'agijahch'uu Gwizhìt Tr'igwinah'in Gwidagwidjì'è'</i>

GWICH'IN NÀN EENJIT ŁAGWIINAADHAN TR'AŁTSAIL GUGWINK'ÒO'



Tr'igwinah'in ts'at Dagweedi'in'

April 22, 1992 dàì', Gwich'in Eenjit Iisrits'at Chit kat ts'at Canada Eenjit Iisrits'at Chit kat Gwich'in Nàn Eenjit Łagwiinaadhan gugwiłtsaii ts'at Gwizhìt Gugwihee'aa Gwi'dineht'ee chan gwakak diguuzri' gidinuut'oh. Northwest Territories Eenjit Iisrits'at Chit Kat jii Łagwiinaadhan gwizhìt gwiheelyaa geenjit diits'at tr'igiinjii, jii geenjit guugwitr'it nihłinehch'i' goo'aih. Jii Łagwiinaadhan December 22, 1992 gwizhìt gòo'aii tr'igwiłtsaih.

Jii Łagwiinaadhan tr'igwiłtsaii gwizhìt, Gwich'in kat nan kak 22,329 kilometers agwahchii guust'an heelyaa tr'igwiłtsaii ts'at nan t'eh gòo'aii 6,158 kilometres agwahchii chan guuts'an heelyaa jii NWT gwizhìt gòo'aii guust'an tr'igwiłtsaih, aii geeghee Yukon gwizhìt nan kak 1,554 kilometres agwahchii chan guuts'an heelyaa tr'igwiłtsaih.

Łagwiinaadhan tr'igwiłtsaii jii chan iisrits'at gwizhìt goo'aih:

- Gwich'in kat nin kagiheedyaa guuveenjit gòo'aii ts'at nin tr'ookat tr'igwahtsaii geenjit akwàa gehdeenjaa tr'igwiłtsaih.
- Nin guk'andeh tr'ahnahtyaa ts'at nan, chuu hàh guk'andeh tr'ahnahtyaa geenjit jilch'eii gugwahahtsaa guuveenjit goo'aih.
- GCLCA gwinjik Gwich'in diiyeenjit chit tr'iheedilyaa guuheendal guuveenjit goo'aih.
- 1990 dàì' Gwich'in kat tseedhoh 75 million agwahchii guuts'an tr'alts'aih aii gwizhìt nagwidadhat 15 iindoo 141 million diits'an tr'altsaih.

Kheenjit chit tr'iheedilyaa geenjit tr'igiheekhyaa ts'at tr'igwahahtsaa jii GCLCA chan gwizhìt goo'aih.

GCLCA gwizhìt, section 28.2 gòo'aii gwinjik, juudin jii Łagwiinaadhan nitr'igwihee'aa guuheendal geenjit gòo'aih, (IC) guutr'ahnuu. Jii Gwich'in IC gwizhìt iisrits'at diiyeenjit nadhat tik goonlih: ihłak Canada eenjit nadhat, ihłak GNWT eenjit nadhat ts'at ihłak Gwich'in kat eenjit nadhat.

GCLCA ts'at IP gwizhìt goo'aii gwinjik jii IC diiyeenjit gwitr'it t'igugwah'in ts'at jidii gwiiniindhan kwaa jii GCLCA gwinjik diiyeenjit gwiinzii natr'igwahtsaii gwitr'it t'igugwah'in. IC kat nits'òo jii Łagwiinaadhan gwitr'it gweedhaa nagwidadhat ihłak gwizhìt geenjit diiyah gugwaandak.

Diyyah gugwaandak gwizhìt nagwidadhat tik gwitr'it gwizhìt gòo'aii, jii t'at April 1, 2015, March 31, 2018 dageedi'in' gwizhìt gòo'aii. Jidii gwitr'it tr'igwiłtsaii, jidii diiyeenjit gwiinzii kwaa ts'at geenjit dagweedi'in' ts'at yeendòo dagwiheedyaa jii gwizhìt diiyah gugwaandak. Diyyah gugwaandak gwizhìt gòo'aii guuzhik jii IC kat, vanchoh nak'oh zhak dhityin nihkhah łinagaadat:

- 2015: April 28 (Ottawa) danh, October 8 (Srii Tsoo Kaiik'it) danh, December 10 (Ottawa) danh
- 2016: April 20-21 (Inuvik) danh, September 29 (Whitehorse) danh, December 8 (Ottawa) danh
- 2017: May 4 (Tł'yah zhìt nihts'at tr'igijik'hè'), October 3-4 (Inuvik) danh, December 7 (Ottawa) danh

NITS'ÒO NIGWIHEE'AA GEENJIT DIIYAH TR'IGWAANDAK

- **Duuleh Gwizhìt Tr'iinlii ts'at Diiyuuzrì' Gwizhìt Nitr'iinlii:** Enrolment Board tr'igwiitsaii ts'at diiyeenjit nadhat ihloogwinli' GTC gugoonjik, jii kat kaiik'it daan gwats'at ihlee tr'oonjik, jii kat juudin jii GCLCA gwizhìt heelyaa kat guk'andehginahtih. Jùk jii GTC Eenjit Nadhat kat, iisrits'at juudin gwizhìt heelyah guk'andeh ginahtii, aii k'iighè' juudin gwizhìt heelyaa tth'aih hee GTC Eenjit Nadhat Kat guk'andehginahtih.
- **Kheenjit Chit Tr'ihedilyaa:** Jii GCLCA gwizhìt kheenjit chit tr'ihedilyaa, territorial ts'at federal guudagwidjì'è' gwinjik akòo digwiheedy'aa geenjit goo'aih. Kheenjit chit tr'ihedilyaa geenjit łagwiinaadhan tr'ahtsìi jì' duuyeh GCLCA gwizhìt gòo'aii ejuk natr'igwahtsìi ts'at Gwich'in kat NWT gwizhìt kheenjit dagwidjì'è' gugwahtsìi chan duuyeh ejùk gugwahtsìi. łagwiinaadhan gugwahtsìi dàì', kaiik'it gwizhìt Gwich'in kat dagiiniindhan gwinjik akoo digiheedyah.
- **Gwik'it T'igwiiniindhanh Kwaa Sritr'igwiheelyah:** Gwich'in Arbitration Panel, (GAP) guutr'ahnuu t'at, nijin GCLCA gwizhìt gòo'aii gwiiniindhan kwaa dàì' Gwich'in eenjit gigìkhih. Jii GAP gwizhìt nihk'ii daan gidilih, daankat GTC gwats'at giinlih, neekaii chan GNWT gwats'at giinlih ts'at neekaii chan Canada gwats'at giinlih.
- **Gwich'in Geenjit Gòo'aii:** Designated Gwich'in organizations kat, GCLCA gwinjik Gwich'in guuveenjit gwitr'it gugwahtsìi. Jii Designated Gwich'in organization t'at iisrits'at ch'igwijuu'ee diiyeenjit giheedilyaa, kaiik'it gwizhìt gugwich'in giheedilyaa gòo khehtok diiyeenjit nadhat giheedilyaa, jii tthak t'at federal ts'at territorial gwidagwidjì'è' gwinjik giheelyaa. GCLCA tr'igwiitsaii gwichih, Designated Gwich'in organizations guudagwidjì'è' tr'igwiitsaii aii gwizhìt nits'òo tseedhòh k'agahnyahtyaa ts'at nits'òo nan guuts'an heelyaa ts'at nits'òo nan t'agahdahch'aa tthak guudagwidjì'è' gwinjik k'agahnyahtyaa goo'aih.
- **Geenjit Tseedhòh Diits'an Tr'altsaii:** GCLCA tr'igwiitsaii k'iighè' Canada \$141 million, nagwidahdat 15 gwizhìt GTC gwits'an tr'altsaii, jii t'at Gwich'in kat guuveenjit nadhat geenjit. 1993 dàì' GTC jii łagwiinaadhan tr'igwiitsaii gugwitr'it geenjit tseedhòh guuvatr'oodlii gwits'an nagahtsaii. Canada kat iisrits'at tseedhoh gwits'an gahtsaii ts'at tseedhòh guuvatr'oodlii gwats'at nagòonjik.
- **Nan Ts'at Ejiich'ii Gwitseedhòo:** Gwits'at k'adigwidaadhat kat, Nagwichoo Njik gwizhìt nan kak gwitr'it gwaatsii gwit'ih tseedhòh tr'ahtsìi dàì' aii gwitsèedhoo làt GTC gwits'an gahahtsaa geenjit gòo'aii, GCLCA gwizhìt Chapter 9 danh jii geenjit gwidinitit'oh. Nagwidadhat ihłak gwizhìt daan agwinyaanch'uu GTC tseedhòh guuts'an tr'ahtsìi.

Tr'igwinah'in ts'at Dagweedi'in'

- Tseedhòh Tr'igwiłtsaii Gugwinah'in:** GSA gwizhìt gwitr'it gòò ejich'ii tr'ookat gwahtsaii gwitsèedhoo GSA gwichit kat k'agahnahtyaa ts'at gwidinji kat ts'at tr'igiheendal geenjit gòò'aih; Gwich'in kat kheenjit gwitr'it gahahtsaa gwit'ih tseedhòh giheedyaa'aa geenjit guuts'at tr'igiheendal; uukat tr'igwahtsaii geenjit Gwich'in kat gaguu'tr'oohanahchyaa ts'at gè'troonahtan geenjit Gwich'in kat ts'at tr'igiheendal geenjit gòò'aih; ts'at uu'òk gwitr'it gwiinchii gòò'aii dàì' Gwich'in kat gwizhìt gwitr'it gugwahahtsaa geenjit guutr'ahaanah. Yì'èenji' gwichit kat, gwitr'it k'eejit tr'igwahtsaii 10.1.1 gwizhìt gwidinithit'oo gwinjik, GTC guuts'at gighèekhyaa ts'at nagwidhadhat tik gwitagwinyaanch'uu jii geenjit guuvah ñagahaadah ts'at nits'òò jii 10.1.1 gwinjik gwitr'it gugwahtsaii geenjit gighèekhyah.
 Aii geeghee, chapter 10 gwizhìt gwidinithit'oo gwinjik, Canada ts'at GNWT kat jii GSA gwizhìt gwitr'it gwahtsaii dàì' juudin gwizhìt gugwich'in kat gwitr'it guust'an heelyaa geenjit diits'at tr'igiheendal. Gwich'in nànhkak gwitr'it gwahahtsaa dàì' Gwich'in kat tr'oochit gwitr'it guuts'an tr'igwahahtsaa geenjit gòò'aih, jii t'at GNWT kat jii gwitr'it uu'òk geenjit gagwahaandak kwaa giiniindhan dàì' akòò digiheedyah.
- Nin Kagiheedyaa'aa ts'at Guk'andehtr'inahtii:** GSA gwizhìt nits'òò nin katr'iheedyaa'aa Chapter 12 gwizhìt geenjit gwidinithit'oo ts'at aii k'iighè' Gwich'in Renewable Resources Board (GRRB) tr'igwiłtsaii. Jii gwizhìt diiyeenjit nadhat ts'at uu'òk geenjit gòò'aii t'at, GSA gwizhìt nan kak jidii gòò'aii k'andehgahnahtyaa ts'at gwiinzii t'atr'ahdahch'uu geenjit gwitr'it gugwahahtsaa ts'at uu'òk t'aniinch'uu kat jùk ts'at yeendòò guuveenjit gwiinzii gwihee'aa chan geenjit gwitr'it gugwahahtsah. Gwindoo jii geenjit gahvidandàì' nohtan jì', jii geenjit nadhat kat guuwebsite gwinoh'inh: www.grrb.nt.ca.
- Nan ts'at Chuu Nits'òò T'atr'ahdahch'ah:** Jii gwiyezhak diiyeenjit nadhat tr'ahahtsaa geenjit gwidinithit'oh, GCLCA gwizhìt chapter 24 danh gòò'aii gwinjik:
 - Gwich'in Nànhkak Nan ts'at Chuu T'atr'ijach'uu Geenjit Nàdhat Kat (GLWB) GSA gwizhìt nan ts'at chuu nits'òò t'atr'ijachch'uu guk'andehginahtih. Gwindoo jii geenjit gahvidandàì' nohtan jì', jii geenjit nadhat kat guuwebsite gwinoh'inh: www.glwb.com.
 - Gwich'in Nàn Nits'òò T'atr'ahdahch'aa Geenjit Nàdhat Kat (GLUPB) GSA gwizhìt nan nits'òò t'atr'ahdahch'aa geenjit gwitr'it gugwahtsaii, aii geeghee jidii gwizhìt gòò'aii ejùk gahahtsaa chan guugwitr'it nilih. Gwindoo jii geenjit gahvidandàì' nohtan jì', jii geenjit nadhat kat guuwebsite gwinoh'inh: www.gwichinplanning.nt.ca.
 - Nàgwichoonjik Gwinagòò'ee Agwehdeendal Gwizhìt Tr'igwinah'in Eenjit Nijlzhii Kat (MVEIRB) gugwahnuu t'at, Nàgwichoonjik gwa'an gwitr'it gugwahahtsaa gwichih nits'òò nan agwehdeendal eenjit gwizhìt gugwinah'inh. Juudin jii MVEIRB gwakak t'iheech'aa geenjit Gwich'in nilii kat guuvoozri' tr'oonjii, GSA gwizhìt nan agwehdeendal gwiiniindhan jì' MVEIRB gwizhìt gugwahnah'aa GTC guutr'ahaanah, aii geeghee Gwizhìt Gugwahnah'aa Eenjit Nadhat gwizhìt heelyaa GTC gwizhìt heelyaa guuheendal, jii tthak geenjit jii GCLCA gwizhìt gòò'aih. Gwindoo jii geenjit gahvidandàì' nohtan jì', jii geenjit nadhat kat guuwebsite gwinoh'inh: www.reviewboard.ca.

Gwizhìt Gwihèe'aa Geenjit Gwich'in Eenjit Nadhàt Kat

GCLCA geenjit nihl'inehch'i' gòo'aa gwizhìt nàdhat kat jii IC gwizhìt giinlih:

GWICH'IN GWICHÌT KAT

Jii GCLCA k'iighè' GTC gòonlii ts'at jii GTC juudin aii IC gwizhìt t'iheech'aa ginuu, jii gwizhìt Gwich'in kat guuk'atr'inahtih. Nagwidadhat 2015/2016 dàì', Norman Snowshoe, GTC Gwichìt Ts'aii Nadhat t'iinch'uu guuzhik jii IC gwizhìt iinli'. Nagwidadhat 2016/17 dàì', Ms. Bobbie Jo Greenland-Morgan GTC Gwichìt, jii IC gwizhìt iinli' aii ts'at nagwidadhat 2017/18 guuzhik, Mr. Jordan Peterson Chit Ts'aii Nadhat jii IC gwizhìt iinli'.

- Gwich'in Gwichìt Kat geenjit gwindoo gahvidandai' gwiiniindhan jì' iitsii adant'oo, internet kak www.gwichin.nt.ca gugwahnah'ah.

NORTHWEST TERRITORIES EENJIT IISRITS'AT CHIT KAT

April 1, 2017 gwits'at, GNWT nits'oo GCLCA guugwitr'it t'igiheedy'a'aa Department of Aboriginal Affairs and Intergovernmental Relations guugwitr'it t'iinch'uu. April 1, 2017 dàì' jii Department of the Executive hàh nitr'igwinii'aih ts'at Department of Executive and Indigenous Affairs (EIA) tr'igwiitsaih. Diiyah tr'igwaandak guuzhik GNWT gwats'at Ms. Susan Bowie, Director, Implementation Division, EIA, jii IC gwizhìt, GNWT guuveenjit iinli'.

- geenjit gwindoo gahvidandai' gwiiniindhan jì' iitsii adant'oo, internet kak, www.gov.nt.ca gugwahnah'ah.
- EIA geenjit gwindoo gahvidandai' gwiiniindhan jì' iitsii adant'oo, internet kak, www.eia.gov.nt.ca gugwahnah'ah.

CANADA

Crown-Indigenous Relations ts'at Northern Affairs Canada (CIRNA, gwichih Indigenous and Northern Affairs Canada guutr'ahnuu) kat, jii IC gwizhìt, Canada eenjit nadhat. Jii gwizhìt Gwitr'it Gugwihèe'aa Geenjt Gòo'aa yeenjì' chit kat GCLCA ts'at IP geenjit dagiheedy'aa guk'andehginahtii ts'at aii geenjit gwitr'it t'igugwah'inh. Jii gwizhìt Gwitr'it Gugwihèe'aa Geenjt Gòo'aa, GTC ts'at GNWT diigeenjit gwitr'it gugwahaatsaa geenjit tseedhòh guuts'an gahtsih, aii IP gwizhìt gòo'aa gwinjik akòò digidi'inh. Nagwidadhat 2015/16, Ms. Kimberly Thompson, Treaty Management West, Implementation Branch gwichit nilii jii IC kak Canada eenjit nàdhat. Nagwidadhat 2016/17 ts'at 2017/18 Mr. Dale Pegg aii Treaty Management West gwichit nilii ts'at Kimberly Thompson vigwitr'it vits'an tr'igwiitsaii ts'at jii IC gwizhìt Canada eenjit nàdhat.

- Canada Eenjit Iisrits'at Chit kat ts'at gwizhi'it gòo'aa gugwitr'it geenjit gwindoo gahvidandai' gwiiniindhan jì' iitsii adant'oo, internet kak, www.canada.gc.ca/home.html gugwahnah'ah.
- CIRNA geenjit gwindoo gahvidandai' gwiiniindhan jì' iitsii adant'oo, internet kak, www.canada.ca/en/crown-indigenous-relations-northern-affairs.html gugwahnah'ah.

Dagweedi'n' Eenjit Gwidinithit'oh

GWITR'IT GWILTSII GEENJIT DIIYAH TR'IGWAANDÀK

Jii guuzhik GTC, GCLCA gwizhìt diiyeenjit dagwiheedy'aa gwinjik gwiinzii digugwitr'it t'igugwah'in'. Canada ts'at GNWT, GTC hàh jii geenjit gwitr'it t'igugwah'in', jii gwiyezhak akòo digeedi'n':

Gwitr'it Eenjit Gadiitr'oonahntan Gitr'igwii'aii

Jii Gwitr'it Eenjit Gadiitr'oonahntan t'at, GCLCA gwizhìt tseedhòh tr'ahdaatsaa geenjit diits'at tr'itr'iinjii geenjit diiyeenjit nigigwini'aih. GTC nits'òo gadiitr'oonahachyaa gidii'n' ts'at diichit kat nits'òo diiyeenjit gwitr'it gugwahtsii nihlinehch'i' gòonlii, Gwich'in kat gaguutr'oonahachyaa geenjit gaguutr'oonahntanh. Yeenji' diiyeenjit nihlinehch'i' gòo'aii, federal ts'at territorial gugwitr'it gwizhìt Gwich'in kat gaguutr'oonahntan k'iighè' Gwich'in kat gwiyeendoo gehneet'aii ts'at jii GCLCA gwinjik gwiinzii gwitr'it gugwahtsaa geenjit tr'igwilstaih, GTC, Canada ts'at GNWT nihkhah jii geenjit gwitr'it gugwilsaii, juudin jii gwizhìt gatr'ooniityin kat gwitr'it nihlinehch'i' t'igiheedy'aa geenjit gatr'ooniityin k'iighè' duuleh GTC gwizhìt gwitr'it nihlinehch'i' gòonlii t'igugwah'aa guuveenjit gòo'aih.

Jii gwizhìt gatr'oonahntan kat, srii tik geenjit gwitr'it guuts'an tr'ahtsii ts'at diiyeenjit chit nìlii nihlinehch'i' geenjit gòo'aii gugwitr'it gaguutr'oonahntan. GTC, Canada ts'at GNWT kat gwitr'it guuts'an gugwahtsii ts'at juudin gwizhìt t'iinch'uu jidii gwitr'it gat'iiniindhan vits'an trigwahtsii geenjit gigijiint'aih. Gwitr'it gaguutr'oonahntan dàì' iisrits'at gwitr'it gwinjik gaguutr'oonahntan ts'at gwiyeendoo gwiiniint'aih guutr'oonahntanh kwaa chan gwizhìt gòo'aih aii geeghee ts'at ihlee ehghee gwitr'it gugwahtsaa guuts'an tr'igwahtsih.

Gwitr'it Eenjit Gadiitr'oonahntan Gitr'igwii'aii Gwizhìt Dagweedi'n'

February 23, 2015 dàì' Canada ts'at GTC gwitr'it gadiiyatr'oonahachyaa geenjit lagwiinaadhan gugwilsaii, jii t'at Memorandum of Understanding (MOU) gugwahnuh. May 11, 2015 dàì', GNWT ts'at GTC diiyeenjit gwihe'e'aa geenjit lagwiinaadhan gugwilsaii, ezhik dàì' gwitr'it eenjit diitr'ooheendal ts'at gadiitr'oonahachyaa gidii'n'. Jii lagwiinaadhan gugwilsaii k'iighè' Gwich'in Internship Pilot Project tr'igwilsaii.

September 2015 neegwidadhat danh jii Internship Pilot Project nigwihe'e'aa ginuu ts'at GTC gugwitr'it geenjit gatr'oonahachyaa tik gòonjik. Jii tik, GTC gugwitr'it gaguutr'ooniityin t'ee federal government gugwitr'it gaguutr'oonahachyaa geenjit ezhii gwits'at niguuji, aii guuzhik gwitr'it geenjit gatr'oonahachyaa k'eejit tik gòonjik ts'at srii ihlak geenjit GTC gugwitr'it gaguutr'oonahntan geenjit gwizhìt niginiinjil. September 2017 dàì' at'at gatr'oonahachyaa guunjii ndòo nyaa'ai'. Gatr'oonahachyaa tthak srii ihlak GNWT gugwitr'it gaguutr'oonahachyaa ts'at aii t'ee ndòo gwitee'ah.

September 2017 at'at gatr'oohanahchya guunjii ndòo nyaa'ài' ts'at jii gwizhìt dagweedi'in' gwizhìt gugwinah'in' ts'at yeendòo chan jùu digiheedyaa jidii gwizhìt giheelyaa geenjit niinji'gadhat.

Gadiitr'oonahntan niinzhuk gweedhaa k'iighè' gwiiyeendoo gwiinziih (jùu digweedi'in' tr'eshit gwiingàn' k'iighè' diits'at tr'iinjii kwàh); diichit kat gwiinzii nihkhah gwitr'it t'agwah'in'; iisrits'at ihlee hàh gwitr'it gwiltsaii; ts'at yeendòo diigwitr'it gwiinzii gugwahahtsaa guuveenjit gwihee'ah.

Yeendòo jùu digwiheedy'aa jì' jii gwiiyeendoo gwiinzii gugwahahtsah, juudìn gatr'oohanahchya yeendòo jidii gwitr'it giiniindhan geenjit tr'iilee giheelyaa; juudìn gatr'oohanahchya kat gwizhìt t'igiheech'yaa gugwahahtsah; diichit gugwitr'it deek'it gwizhìt khanh gwitr'it guuts'an tr'igwahahtsah; gwitr'it geenjit gisrii nitr'ahjii geenjit gò'aaì ejuk natr'igwahahtsah ts'at niin' geenjit tr'oonidhat, diikaiik'it ehghee niguutr'ahahchyah.

Jùk Jùu Digwiheedy'ah:

GCLCA gwizhìt diiyeenjit nihlinehch'i' gò'aaì jii Gwich'in Internship Pilot Project gwiinzii gwihee'aa geenjit nihkhah gwitr'it gugwiltsaii. Jii nagwidadhat gwizhìt IC kat yeendòo jii gwik'it gadiitr'oohanahchya geenjit nits'òo gwitr'it gugwahahtsaa geenjit niinji'giheedhat.

Gwich'in Gè'tr'oonahntan Eenjit Ìnatr'aadal (Gè'tr'oonahntan Gwitoh Gwiniindhat Gugwitr'it)

Gwich'in guuk'eejit kat gatr'oonahntan gwitoh gichùujil t'ee gè'tr'oonahntan gwizhìt giheelyaa, GTC geenjit guuts'at tr'igiheendal geenjit Gè'tr'oonahntan Eenjit Ìnatr'ahaadal gugwahahtsah. Gwich'in guuk'eejit kat, kaiik'it gwitsal gwits'at, uu'òk kaiik'it gwiinchii gwa'an gaguutr'oohanahchya gwits'at guutr'oonjii k'iighè' gè'tr'oonahntan gwitoh gichùujil t'ee gwiiyeendoo leii kat gè'tr'oonahntan gwizhìt giheelyaa giiniindhanh.

Jii diiyah tr'igwaandak gwizhìt gweedhaa guuzhik, uu'òk kaiik'it gwa'an gè'tr'oonahntan zheh gwichoo gò'aaì danh diiyah gè'tr'oonahntan eenjit Ìnagaadàl:

- March 23 – 27, 2015 – Memorial University, St. Johns, Newfoundland danh: Gwich'in guuk'eejit ihlak juutin ahleii gè'tr'oonahntan eenjit Ìnatr'aadal GTC hàh gwizhìt giinli'.
- March 7 – 11, 2016 – Carleton University, Ottawa, Ontario danh: Gwich'in guuk'eejit ihlak juutin ts'at daan ahleii gè'tr'oonahntan eenjit Ìnatr'aadal gwizhìt giinli'.
- March 27 – 31, 2017 – Inuvik, Northwest Territories: Uu'òk kaiik'it gwizhìt gè'tr'oonahntan zheh gwiinchii gwits'at gichùujil kwaa gòo Inuvik danh Ìnagaadàl ezhik dàì' Gwich'in guuk'eejit neekaii juutin ts'at neekaii ahleii guuvàh gwizhìt giinli'.

Dagweedi'ín' Eenjit Gwidinithit'oh

- March 9 – 13, 2018 – University of Alberta, Edmonton, Alberta danh: Gwich'in guuk'èejit ihtak juutin ts'at ihloo gwinli' ahleii gètr'oonahntan eenjit finaatr'aadal gwizhit giinli'.

Jii dagweedi'ín' k'iighè' gwiiyeendoo gwiinzih, k'eejit kat gwizhit giinli' 89% ahleii gètr'oonahntan gwitoh gichùujit t'ee gètr'oonahntan gwizhit niguujil, gwitr'it eenjit guguutr'oonahntan gwizhit niguu'oo ts'at guulat gwitr'it gidi'inh.

Jùk Jùu Digwiheedya'àh:

Gètr'oonahntan Gwitoh Gwiniindhat Gugwitr'it gugwahaatsaa geenjit guuts'at tr'itr'iheendal geenjit gòo'aii k'iighè' GTC chan Gètr'oonahntan Eenjit Łinatr'ahaadal 2018/19 gwizhit nitr'igwihee'aa geenjit gòo'aih.

Gwich'in Gètr'oonahntan Gwi'dineht'èe'

Tr'oochit GCLCA gètr'oonahntan gwi'dineht'èe tr'igwitsaii gòo jii Gwich'in Gètr'oonahntan Gwi'dineht'èe' gwindoo nichii nijaanaih, Gwich'in Certificate geenjit gètr'oonahntan gwizhit nitr'iinlii ts'at GSA gwizhit grade 10, 12 guuveenjit gwizhit gòo'aih. Jidii gwizhit gadiitr'oonahntan jii gwiyezhak gwidinithit'oo:

- Yi'eenoo Nits'òo Gwich'in Tr'igwiindà' Adiitr'oonahntan (3 credit-course).
- Yi'eenoo Dagweedi'ín', Nikhwinan, Yi'eenoo Nist'òo Tr'igwiindà' Geenjit Tsii'inh Gwaatsii (Gwatat Gètr'oonahntan (1 credit).
- Yi'eenoo Gugwandak ts'at Yi'eenoo Nits'òo Trigwiindà' Geenjit Gadiitr'oonahntan (1 credit).
- Juudin Diidaazhii Gwiinli' gwinjik Yi'eenoo Dà' Diizheh K'oo Dageedi'ín' Gadiitr'oonahntan (1 credit)
- Gwich'in Nan Eenjit Łagwiinaadhan Tr'igwitsaii Geenjit Gadiitr'oonahntan (1 credit).

Jii gugwitr'it tr'oochit nitr'igwii'aii dà' Aklavik ts'at Teet'it Zheh danh 2016 dà' gwitoh nigwiniindhat. Inuvik East Three Gètr'oonahntan Zheh gwizhit duuleh jii gwik'it gadiitr'oohanahchya ginh.

East Three Gètr'oonahntan Zheh gwizhit jii gadiitr'oohanahchya geenjit tseedhòh kwaa k'iighè' geenjit gwitr'it gwahaatsaa gwis'agwighah gòo'aih.

Jùk Jùu Digwiheedya'àh:

Gètr'oonahntan kat, tr'iinin kat tr'oochit gaguutr'oonahntan ts'at yeendòo gètr'oonahntan gwitoh niginiinlii jii Gwich'in eenjit gadiitr'oohanahchya giiniindhàn. Jii geenjit gwitr'it t'agwah'in kat IC ts'at diichit geenjit gòo'aii hàh tth'aih hee jii geenjit gwitr'it gugwahaatsah.

JIDÌI GWIJIINCHII GÒONLIH

Jidìi gwiijiinchii gòonlih geenjit gigijkhè' ts'at jii IC gugwitr'it geenjit diiyah tr'igwaandak guuzhik jìdii gwizhìt gòo'aai, jii gwiyeeshak gugwidinuut'oh. GCLCA gwitsèedhoo diits'an tr'altsaii, Gwitr'it Nigwihèe'aa (IP) ts'at nihkhah tseedhòh gwits'an tr'ahahtsaa geenjit łagwiinaadhan tr'igwitsaii chan jii gwiyeeshak gugwidinuut'oh.

1. Nagwidadhat Ihłak Dagweedi'in' Geenjit Diiyah Tr'igwaandak

IC kat nagwidadhat ihłak gwizhìt jii łagwiinaadhan tr'igwitsaii gwizhìt dageedi'in' geenjit diiyah gugwahaandak jii GCLCA gwizhìt geenjit goo'aih. Canada kat jii diiyah tr'igwaandak gugwehdineet'oo guuveenjit gòo'aai gòo, GNWT kat Canada guuveenjit akòo digiheedya'aa ginuh.

Dagweedi'in': 2015/16 – 2017/18

2014/15 gugwitr'it geenjit diiyah tr'igwaandak 2009/10 – 2013/14 gugwitr'it geenjit diiyah tr'igwaandak ihłak tr'igwahahtsaa ts'at nagwidadhat ihłoo gwinli' gugwitr'it geenjit diiyah tr'igwaandak ihłak gugwahahtsaa jii IC kat akòo digwiheedya'aa geenjit ahà' ginuu aii ts'at 2015/16 ts'at 2017/18 gugwitr'it geenjit diiyah tr'igwaandak ihłak gugwahahtsaa ginuh. Jii gwitr'it eenjit diiyah tr'igwaandak łehtè'tr'ehdeelyaa GTC ginuu ts'at Canada kat jùu digwiheedya'aa ts'at yeendòo gwitr'it geenjit diiyah tr'igwaandak łehtè'tr'ehdeelyaa geenjit gwits'at tr'igiheendal ginuh.

Jùk Jùu Digwiheedya'ah:

Yeendòo gweedhaa gwizhìt jii IC kat gwitr'it eenjit diiyah tr'igwaandak gwindoo gwiinzii gugwahahtsaa geenjit gwitr'it gugwahahtsah, nagwidadhat ihłak gugwitr'it eenjit diiyah tr'igwaandak gwizhìt, nagwidadhat ihłak gwitoh gwichuudhat gwizhìt tseedhòh hàh iisrits'at dagweedi'in' diiyah tr'igwahaandak.

Dagweedi'in' Eenjit Gwidinithit'oh

2. GCLCA Ihłak Tr'igwiłtsàih

GCLCA guguwini'ii t'ee gwizhìt gò'ài lèt ejùk nagugwiłtsaii geenjit ahà' gidiinù'; gò ejùk nagugwiłtsaii jii GCLCA tth'aih hee gwizhìt nigugwini'ii'aih kwàh.

Dagweedi'in': 2015/16

Canada tseedhòh diits'an gałtsaii hàh GTC kat jii GCLCA ihłak gugwiłtsàih. Tr'oochit gwidiñithit'oo, Canada ts'at GNWT December 2015 dàl' gugwahnah'aa ts'at dagiiniindhan geenjit GTC guuts'an gałtsàih.

Dagweedi'in': 2016/17

Jii GCLCA gugwitr'it gwi'dineht'èe GTC tr'oochit gwidiñithit'oo GNWT gugwinah'in' ts'at geenjit guuts'at tr'igjikhè'. Canada tth'aih hee jii dineht'eh gugwinah'inh.

Dagweedi'in': 2017/18

Jii GCLCA gugwitr'it gwi'dineht'èe GTC tr'oochit gwidiñithit'oo Canada gugwinah'in' ts'at geenjit guuts'at tr'igjikhè'. Canada daginuu, jùk GTC gugwinah'inh ts'at tr'oochit gugwidiñuut'oo chan natr'igwehdineet'oo t'ee tthak gwizhìt giinlii natr'igwahnah'ah.

Jùk Jùu Digwiheedya'ah:

Tthak gwizhìt giinlii jii GCLCA guugwitr'it gwi'dineht'èe GTC tr'oochit gugwidiñuut'oo gugwahnah'ah. Gwiinzii t'iinch'uu ginuu t'ee jii gwi'dineht'èe tehtè'tr'ehdeelyaa ts'at gwizhìt nilii kat Dagwiiniindhan Gwidinithit'oo gugwahałtsaa, aii gwizhìt jii GCLCA Uunjit K'yuu ts'at Nèeghaii Gwich'in ky'uu gugwidiñuut'oo gwiinzii t'iinch'uu gehdeenjah.

3. GCLCA Ejùk Natr'igwiłtsàih

GTC kat jii GCLCA khełłok ejùk natr'igwahałtsaa geenjit gwizhìt gugwinah'ii, jii gwizhìt Yukon gwa'an nits'òo Teet'it Gwich'in kat guuveenjit gò'ài gwizhìt gugwahnah'ah.

Dagweedi'in': 2015/16

GTC kat, jii GCLCA ejùk natr'igwahałtsaa geenjit gwizhìt tr'igwahnah'aa kat guunjik diiyah gugwaandak. Gwizhìt gugwinah'in' k'iighè' ejùk gugwahałtsaa gwiiniindhan gugwehdineet'oo ts'at GTC kat GNWT ts'at Canada guuts'an gahałtsaa t'ee jii IC gwizhìt geenjit niinji'giheedhat ts'at geenjit gigiheekhyah.

Dagweedi'in': 2016/17

Jidii nan Canada gò GNWT, GTC gwiłts'an tr'ałtsaii, GCLCA gwizhìt gò'ài ejùk nagugwiłtsaii, jii nan eenjit łagwiinaadhan gwizhìt heelyaa geenjit akò digeedi'in'. Jùk jii GCLCA geenjit gwidiñithit'oo jii gwinjik gwidiñithit'oh kwàh. Sahtu Dene ts'at Teenjer Aatsaa Guunàn Eenjit łagwiinaadhan Tr'igwiłtsaii akò digòonch'uu GNWT ginuu ts'at GCLCA gwizhìt akò digwiheech'aa jì' gwiieendoo gwiheezaa chan ginuh.

Dagweedi'in': 2017/18

Jii ejùk gugwahałtsaa k'iighè' taxation ejùk gwiheelyaa geenjit Canada, Canada Gwizhìt Tseedhòh K'atr'inahtii hàh gwitr'it gugwałtsih. Gwizhìt nilii kat, yeendòo nagwidadhat gwizhìt enjùk gugwahałtsaa geenjit nihkhah gigiheekhyah.

Jùk Jùu Digwiheedya'ah:

Canada Gwizhìt Tseedhòh K'atr'inahtii dagiiniindhan Canada, GTC ts'at GNWT hàh gagugwihàandak. Canada Gwizhìt Tseedhòh K'atr'inahtii dagiiniindhan gwiinzii gò'ài ts'at GTC ahà' ginuu jì', GNWT ejùk gugwahałtsah, jii geenjit IC ahà' ginuu chan gwizhìt gwiheelyah.

4. Yukon Gwinagoo'ee ts'at Gwa'an Tr'igwich'in Tseedhòh T'agijahch'uu Gwizhìt Tr'igwinah'in Gwidagwidjì'è' – Dagweedi'in' Geenjit Diiyah Tr'igwaandak

*Yukon Guunaguu'ee ts'at Gwa'an Tr'igwich'in
Tseedhòh T'agijahch'uu Gwizhìt Tr'igwinah'in
Gwidagwidjì'è' (YESAA)* gugwahnuu, jii Umbrella Final Agreement gwinjik gwiltsaii, Canada Eenjit Iisrits'at Chit kat, Yukon Eenjit Iisrits'at Chit Kat ts'at Yukon Gwats'at Dinjii Zhuh nihkhah gugwiltsaii. Yukon gwa'an nan gwizhìt gugwinah'in dàì' jii YESAA gwinjik akòo digidi'inh.

Nits'òo nan ts'at jidìi gwakak gòo'aai guk'atr'ahnahtyaa federal government 2003 dàì' Yukon Eenjit Iisrits'at Chit Kat guuts'an gaitsaii ts'at ezhik dàì' YESAA chan geenjit ahà' gidiinù'. Jii Umbrella Final Agreement gwizhìt gòo'aai gwinjik jii YESAA gwidagwidjì'è' gugwiltsaii gwichih, nagwidadhat ih'loo gwinli' guuzhik gwizhìt gugwahnah'aa geenjit goo'àih. March 2012 dàì' jii gwizhìt gugwinah'in ndòo gwinyaa'aai.

Yukon ts'at Nunavut guk'atr'inahtii kat dagwidì'ii geenjit guuvah tr'igwaandak geenjit Bill S-6 tr'igwiltsaii ts'at Canada guk'atr'inahtii gwik'it tr'igwiltsaii. Jii gwiyezhak neekaii k'it diinch'uh:

- Ih'lak gwizhìt gòo'aai *Yukon Gwinagoo'ee ts'at Gwa'an Tr'igwich'in Tseedhòh T'agijahch'uu Gwizhìt Tr'igwinah'in Gwidagwidjì'è'* ejùk gugwiltsaii; ts'at
- Neekaii gwizhìt gòo'aai *Nunavut Chuu and Nunavut Nan Kak Ejiich'ii Eenjit Dagwidjì'è'* ejùk nagugwahahtsaa gwiiniindhanh.

Dagweedi'in': 2015/2016

Canada jii Geenjit Nijilzhii Kat, Standing Committee guutr'ahnuu, jii S-6 Gwidagwidjì'è' geenjit guuvah gugwaandak ts'at jii Geenjit Nijilzhii Kat geenjit gigijkhè' ts'at February dàì' Whitehorse gwits'at gichuujiì. Jii Gwidagwidjì'è' gwizhìt gòo'aai datthak gwizhìt gugwinah'in' ts'at Parliament geenjit guuvah gugwaandak t'ee chan tik geenjit gugwinah'in'.

5. Nihkhah Gwizhìt Gugwinah'in Geenjit Jìlch'eii

December, 2014 dàì' jii GCLCA gwizhìt nits'òo nihkhah gwiiniindhan geenjit tr'igiheekhyaa gwizhìt gòo'aai Canada ejùk nagugwahahtsaa gidiinù'. Nihkhah Gwizhìt Gugwinah'in Geenjit Jìlch'eii gukwaa gugwahahtsaa ts'at Jidìi Gwiiniindhan Kwaa Sritr'heelyaa Geenjit Gwitr'it T'agwah'in gwizhìt heelyaa ts'at juudin jii geenjit gahgwidindàì' kat gwizhìt nigiheelyaa gòo aii IC chan duuleh gwits'at k'agwihaadhat ts'at geenjit diitr'ooheendal gidiinù'. Uu'òk ìagwiinaadhan gwinjik gwitr'it gugwahtsaii jì' gwiieendoo tseedhòh leii t'agahdahch'ah kwaa ts'at gwiieendoo gwiinzii gwitr'it gugwahahtsaa, Canada diigahnuu. IC kat, jii guuvah tr'igwaandak geenjit niinjì'gadhat.

Dagweedi'in': 2015/2016

Canada akòo diginuu, ejùk natr'igwahahtsaa jì' jii GCLCA iisrits'at ejùk natr'igwahahtsaa geenjit goo'àih. Tlichò Gwichit jùu digwiheedyaa'aa geenjit GTC guuts'at gigiheekhyaa giiniindhanh. December 2015 IC kat ìigiljil ts'at ezhik dàì' GTC kat akòo digwiheedyaa'aa geenjit ìagwiinaadhan gugwahahtsaa giiniindhan ginuh.

Dagweedi'ın' Eenjit Gwidinithit'oh

Dagweedi'ın': 2016/17

"Dispute Resolution in Modern Treaties"

gwi'dinehtł'ee Canada diits'an gałtsaii, jii gwizhìt Gwiiniindhanh Kwaa Diiyeenjit Srigugwiheelyaa geenjit gwiinchii gwidinithit'oh. Jii dinehtł'eh gwizhìt jii Gwiiniindhanh Kwaa Diiyeenjit Srigugwiheelyaa Gugwitr'it Gwahahtsaa guuheendal ts'at nits'oo gwitr'it gwahahtsaa gwizhìt gò'aa ts'at juudìn jii gwitr'it ahdandaii geenjit guuheendal gò jii IC jii gwitr'it guuts'an gugwitahtsaa geenjit chan gwizhìt gò'aih.

Dagweedi'ın': 2017/18

Jidlì gwiiniindhanh kwaa diiyeenjit srigugwiheelyaa Canada gwindoo gwizhìt gugwinah'ın' ts'at Deline Kheenjit Chit Giinlii Łagwiinaadhan Gugwiłtsaii gwizhìt gò'aa gwik'it akòò digwiheedyaa diigahnùh. GNWT kat, Deline dagidi'ii gwinjik akòò digwiheedyaa geenjit ahà' gidiinu', jii gwizhìt gwiiniindhanh kwaa diiyeenjit srigugwiheelyaa geenjit gò'aa ts'at geenjit jilch'eii tr'ooheendal kwaa gwizhìt gò'aih.

Jùk Jùu Digwiheedyà'ah:

GTC jùu digwiheedyà'aa guutr'oodahkat geenjit niinji'giheedhat ts'at GTC Eenjit Nijilzhii Kat geenjit guuts'at gigiheekhyah. Ejùk natr'igwahahtsaa geenjit ahà' ginuu jì' geenjit dinehtł'eh gahahtsah ts'at IC ROD gwi'dinehtł'ee gugwahahtsaa ts'at jii gwinjik ndòò gugwihee'ah.

6. Tseedhòh Dàgwàhchii Tr'ałtsaii Gwizhìt Gugwinah'ın

GCLCA gwizhìt gugwidintł'oo ihłak juutin gò'aa gwizhìt Tseedhòh Dàgwàhchii Tr'ałtsaii Gugwinah'ın geenjit gwidinithit'oo, aii gwinjik diiyeenjit chit kat GTC hàh nagwidadhat tik gwigtagwinyaanch'uu nihkhah łinagahaadah geenjit gò'aa ts'at ezhik dàì' nits'oo jii gugwidinuutł'oo gwinjik gwitr'it gugwahahtsaa gwizhìt gugwahnah'aa geenjit nihts'at gigiheekhyah.

Dagweedi'ın': 2015/16 – 2017/18

GTC Gwichìt James Wilson, Gugwidinuutł'oo Ihłak Juutin hanah'aa niindhan, GTC, IC agahnùh. Canada akòò diginuu, yi'eenoo jii gugwidinuutł'oo gwizhìt tr'igwinah'ın' dàì' iisrits'at dagweedi'ın' gahgwiheedandaii geenjit gugòontrii, jii k'iighè', jii gugwidinuutł'oo gwinjik gwitr'it gugwahahtsaa gwiieendoo gwiieeaa ginuh. Jii gwichih Canada akòò diginuu, tseedhòh dagwahchii tr'ıłtsaii gwizhìt gugwinah'ın' dàì', dagiheedyà'aa geenjit daankat gwizhìt heelyaa ts'at nagwidadhat tik gwizhìt tseedhòh dagwahchii tr'ıłtsaii gwizhìt gugwahnah'aa, jii gwizhìt giinlii kat akòò digiheedyà'aa geenjit nihkhah gwitr'it t'igugwah'inh.

Jii gwizhìt nilii kat, Gugwidinuutł'oo Ihłak Juutin gwiieendoo gwiinzii gwizhìt gugwinah'ın', aii guuzhik juudìn gwizhìt nilii nits'oo gwitr'it giheedyà'aa ts'at nits'oo tseedhòh gahdaatsaa guuvah gugwahaandak geenjit Tseedhòh Dàgwàhchii Tr'ałtsaii Gwizhìt Gugwinah'ın' Geenjit Łigiljìt. Jii gwichih 2004 ts'at 2006 dàì', tseedhòh dagwahchii tr'ałtsaii gwizhìt gugwinah'ın', GNWT chan gwizhìt gugwinah'ın' ts'at yeendòò chan nits'oo gwizhìt gugwahnah'aa gwi'dinehtł'ee gałtsaii ts'at jii gwizhìt nilii kat gugwahnah'aa ts'at geenjit niinji'giheedhat guuts'an gałtsaii. Jii geenjit ezhii nadhàt tr'ooheendal ts'at agidanh jii gwitr'it k'andehgahnahtyaa, jii gwizhìt nilii kat akòò diginuu.

March 2018 dàì', jii gwizhìt nìlìi kat, Tseedhòh Dagwàhchii Tr'altsaii Gwizhìt Tr'igwinah'in Geenjit Łigiljìt. Drin ihtak gwizhìt yì'eenji' gwats'at k'adagwidaadhat gwizhìt gwitr'it diiyeenjit gòò'aai geenjit diiyah gugwaandak. Drin neekaii gwizhìt, GNWT gwizhìt gwitr'it diiyeenjit gòò'aai nits'òò tr'iheedyà'aa, nits'òò tseedhòh tr'ahdaatsaa ts'at nits'òò yì'eenoo tseedhòh tr'altsaii GNWT geenjit diiyah gugwàandak.

GCLCA gwizhìt tseedhòh dagwahchii tr'altsaii gwizhìt tr'igwinah'in geenjit gòò'aai k'iighè', Canada ts'at GNWT, Inuvik, "kaiik'it nihkhah t'atr'ijahch'uu" giiniindhan, geenjit GTC gwiiniindhan kwaa ts'at guuvah gugwaandak. Canada ts'at GNWT, Inuvik Gwich'in Nàn Łagwiinaadhan Tr'altsaii gwizhìt nìlìi gahgidandaii diiyah gugwàandak. Aii geeghee, jii k'adagwidaadhat neekaii, Inuvik Ineekaii kaiik'it diinch'uu ts'at Ineekaii Nàn Eenjit Łagwiinaadhan Tr'altsaii gwizhìt diinch'uu ts'at GCLCA gwizhìt diiyeenjit gòò'aai gwinjik Gwich'in k'aiik'it chan diinch'uu gahgidandaii diigahnùh. Inuvik "kaiik'it nihkhah t'atr'ijahch'uu" Canada ts'at GNWT akòò digiiniindhanh kwàh.

Jùk Jùu Digwiheedyà'ah:

Tseedhòh Dagwàhchii Tr'altsaii Gwizhìt Gugwinah'in Geenjit Nàdhat tr'ooheendal ts'at jii kat nits'òò tseedhòh tr'ahdaatsaa gwi'dineht'èè GNWT gaitsaii gwizhìt gugwahnah'aa ts'at dagiiniindhan gwinjik gahahtsaa ts'at gwizhìt nìlìi kat t'agahdahch'aa geenjit guuts'an gahahtsah.

Tseedhòh Dagwàhchii Tr'altsaii Gwizhìt Gugwinah'in Geenjit Nàdhat kat jii gwizhìt gugwahnah'aa ts'at nits'òò gweedhaa jii IC geenjit guuvah gugwahàandak.

7. Nacho Nyak Dun Dinjii Zhuh Hàh Gigjikhii

Dagweedi'in': 2017/18

Canada ts'at GNWT, Nacho Nyak Dun Dinjii Zhuh hàh nan eenjit Łagwiinaadhan gahtsaii geenjit nihkhah tr'igjikhii gwizhìt nijìn nan gòò'aai GTC hàh gugwaandak kwaa gat'igiiniindhan kwàh. Jii Łagwiinaadhan eenjit nihkhah gigjikhii agidanh khè' giiniindhan gòò'aai GTC gahgidandaii gòò yeendòò GTC jii k'iighè' guuveenjit nits'òò gwihee'aa chan geenjit niinji'gadhat ts'at GTC geenjit tr'igiheekhyaa geenjit khajjikoo gwiheedhaa giiniindhanh.

Jùk Jùu Digwiheedyà'ah:

Yeendòò nits'òò nihkah tr'igiheekhyaa Canada diiyeenjit gwizhìt gugwahnah'aa ginuh.

8. Nan Nihjeh Tr'igwahtsaii

Dagweedi'in': 2015/16 – 2017/18

Aklavik tsijiinch'ii neegaazhik deek'it guukaiik'it geenjit giiniindhan eenjit Gwich'in nàn GNWT nan hàh niht'ih gugwichuu'aai giiniindhan GNWT geenjit guuts'at gigjikhè', GNWT diiyah gugwaandak. Jùk nijìn tsijiinch'ii neegaazhik gwiinzih kwaa ts'at nan natahneehah kwaa, dak haii diinch'uu giiniindhan, Gwich'in nàn gwizraih geenjit gòò'aai ginuh. GTC akòò digòonch'uu gahgidanadaii ginuh.

Jùk Jùu Digwiheedyà'ah:

Jii gwizhìt nìlìi kat, nan nihjeh tr'igwahtsaii gwiiniindhan IC łitr'aadal gwizhìt tth'aih hee geenjit gigiheekhyah.

GWITR'IT NIHLINEHCH'I'

1. Yeendòo Gwich'in Eenjit Dagwiheedyaa K'eejit Natr'igwahtsii (2013-2023)

Yeendòo Dagwiheedyaa (IP) Gugwidint'oo 28 gwizhìt nilih, jii GCLCA gwizhìt heelyaa geenjit. Jii gwichih, 2003-2013 dàì' jii GCLCA geenjit IP goo'è' ts'at gwindoo gwi'tr'ahdahch'aa gwiłtsàih, nagwidadhat neekaii geenjit (2013-2014 ts'at 2014-2015) t'atrahdahch'aa ROD gwinjik tr'altsaih, jii t'at 2012 dàì', akòo digeedi'ın', aii t'ee chan nagwidadhat tik geenjit (2017/18) gwizhìt ROD gwinjik t'agahdahch'aa tr'altsàih. IP gwizhìt Annex B gòo'aai danh tseedhòh dagwahchii diits'an tr'ahahtsaa gòo'aai ejùk gugwiłtsaii, Federal Domestic Demand Implicit Price Index (FDDIPI) gwinjik Annual Price Adjustment Factor k'iighè' akòo digeedi'ın'.

Dagweedi'ın': 2015/16

GNWT jii IP gwinjik dagwiheedyaa k'eejit natr'igwitahtsaa agidanh gugwehdineet'oo ginuu ts'at jii IP tr'oochit dinithit'oo gwizhìt gugwinah'ın', jidiì tthak gwizhìt nilii geenjit gugwinah'ın' ts'at diiyeenjit jidiì tthak gwizhìt heelyaa geenjit gwitr'it galtsàih.

Yukon K'adagwidaadhat hàh łitr'ahaadal geenjit gòo'aai kwaa k'iighè' jii IP gugwitr'it gugwiniidhat kwah ts'at GCLCA gwizhìt Appendix C danh Yukon Nan Gwinagoo'ee Geenjit Gwidinithit'oo k'eejit gugwiłtsaih kwàh.

Dagweedi'ın': 2016/17

GNWT jii IP gwi'dineht'èe làt ejùk gugwiłtsaii ts'at tr'oochit gugwidinuut'oo Canada ts'at GTC gugwahnah'aa geenjit guuts'an galtsàih. Jii dineht'eh gwinjik aii GCLCA gugwihee'aa diits'at tr'iheendal geenjit jii dineht'eh ejùk tr'igwiłtsàih.

Jii dineht'eh nihkhah gwizhìt tr'igwahnah'aa geenjit tr'igwiłtsàih.

Dagweedi'ın': 2017/18

Gwizhìt nilii kat nihkhah gwiinzii gwizhìt gugwinah'ın'. Gwizhìt gòo'aai gwiiniindhan tth'aih hee geenjit niinji'gwiheedhat; aii gòo', gwizhìt nilii kat jii IP uundòo gweedhaa gwizhìt gugwahnah'aa ts'at jidiì sritr'iheelyaa jii srii nanh gwihe'e'aa guuzhik srigiheelyah.

Jùk Jùu Digwiheedyaa'ah:

Iisrits'at jii dineht'eh gwiiniindhan geenjit ahà' gehdeenjaa gòo IC kat aii ROD kak diguuzri' gugwehdineet'oo gwiiniindhan ji' Canada akòo diigahaanjah.

2. Gwich'in Nan Nits'òo T'atr'ahdahch'aa Gwi'dineht'èe'

Gwich'in Nan Nits'òo T'atr'ahdahch'aa Geenjit Nàdhat tr'ooheendal jii GCLCA gwizhìt gòò'ài ts'at Nits'òo Nan T'atr'ahdahch'aa Gwi'dineht'èe (LUP) tr'ahahtsaa jii gwinjik GSA gwizhìt nan, chuu ts'at gwinzhìh guk'atr'ahnahtyaa ts'at gwiinzii t'atr'ahdahch'aa, jii nan tthak Northwest Territories gwizhìt t'iinch'uh.

Tr'oochit jii LUP tr'ahtsaii gwizhìt nìlii kat tthak 2003 dàì' geenjit ahà' gidiinù'. Jii Gwich'in kat geenjit LUP tr'gwihtsaii 2011 dàì' ejùk natr'igwihtsaii ts'at geenjit dagiinù' k'iighè' chan ejùk gugwihtsaii ts'at iisrits'at jii LUP gwizhìt heelyaa gugwihtsaii ts'at Geenjit Nàdhat kat Juudìn Gwizhìt Nìlii tthak January 2015 guuts'an tr'ahtsaii iisrits'at ahà' gehdeenjaa geenjit.

2014 dàì' Devolution gugwinii'ài t'èe, GNWT Nan Guk'anahtii Geenjit Gòò'ài jii Nan Nits'òo T'atr'ahdahch'aa Geenjit Gòò'ài guunjik ts'at GNWT jidli gwizhìt heelyaa giiniindhan geenjit gwitr'it gugwihtsaii. Jii Gwich'in LUP iisrits'at tr'igwihtsaii t'èe June 2015 dàì' GNWT geenjit diits'at tr'igjikhè'.

3. Nan Gwijiinchii Ts'at Guk'andehtr'inahtih

Jii GCLCA gugwinii'ài gwats'at Gwich'in ts'at Crown nan nihjeh gugwihtsaih kwaa gòò IC kat, yeendòò kaiik'it gwiinchii nigwidaadhat t'èe tsijiinch'ii uu'an tr'ihilii geenjit nan gwiiniindhan jì' gwizhìt gwiye'e'aa giiniindhanh.

Dagweedi'in': 2016/17 – 2017/18:

Nan gwijiinchii ts'at guk'andehtr'inahtii k'iighè' yeendòò nan nihjeh gugwahahtsaa tth'aih hee gwik'it t'igwiheech'aa gahgwiheendaii giiniindhan ts'at nits'òo diiyeenjit gwihè'e'aa GNWT geenjit diits'at tr'igjikhè'. Nits'òo nan gwijiinchii ts'at guk'andehtr'ahnahtyaa GNWT juudìn gwizhìt nìlii guudahkat ts'at yeendoo IC linagahaadal dàì' geenjit gigiheekhyaa geenjit chan aguudahkat.

Jùk Jùu Digwiheedyah:

Gwizhìt nìlii kat yeendòò IC linatr'aadal dàì' nan gwijiinchii ts'at guk'andehtr'inahtii geenjit niinji'giheedhat.

Dagweedi'ın' Eenjit Gwidinithit'oh

4. Gwich'in Nàn Geenjit Łagwiinaadhan Tr'igwiłtsaii Gugwahnàh'ah

Gwich'in Nàn Eenjit Łagwiinaadhan Tr'igwiłtsaii tth'aih hee Canada gwizhìt gugwinah'inh kwàh. NWT gwizhìt uu'ok nan eenjit łagwiinaadhan tr'igwiłtsaii adàì' hee gwizhìt gugwinah'ın'.

Dagweedi'ın': 2016/17

Gwich'in nàn eenjit łagwiinaadhan tr'igwiłtsaii gugwahnàh'aa geenjit gwiłiinchii gòo'ài, IC gwiłiindhàn. Jii geenjit gwiłiinchii tr'ooheekat k'iighè' tr'oochit jii gwitr'it geenjit, Canada tseedhòh kagehneetyah. Jii gugwitr'it nagwidadhat leił geenjit gwitr'it gwahahtsaa, IC giłiindhàn.

Dagweedi'ın': 2017/18

Nits'òo iisrits'at nan tr'igwahnàh'aa geenjit gòo'ài ts'at aii gwizhìt jii gwitr'it geenjit nan khełtok gwihee'aa geenjit dagiłiindhàn iisrits'at Nan Tr'igwahnàh'aa Eenjit Chit, GTC ts'at GNWT guuvah geenjit tr'igjìkhè'. Jii t'at nan 10 kilometres agwahchii gwizhìt gwiheè'ah, ezhii nan eenjit łagwiinaadhan tr'igwiłtsaii nan 1 kilometre agwahchii gwizhìt gòo'ài gòo jii ejùk t'iheech'ah. Nan ahdàndaii kat hàh gijìkhè' t'ee, jii gwitr'it nihłinehch'i' gòo'ài gwizhìt nan khełtok gòo'ài ts'at kaiik'it ehkhee nan 1 kilometre agwahchii t'agahdahch'aa geenjit tthak ahà' gidii'ın'.

Jùk Jùu Digwiheedyàh:

iisrits'at nan tr'igwahnàh'aa gugwitr'it 2018/19 nagugwihee'ah.

TSEEDHÒH GEENJIT

1. Nan Kak Jidii T'atr'ahdach'aa Geenjit Nadhàt Kat

GCLCA gwizhìt gòo'ài k'iighè', Nan Kak Jidii T'atr'ahdach'aa Geenjit Nadhàt Kat tr'ooheendał. Nan kak gòo gwit'eh jidii t'atr'ahdach'aa diıyeenjit gòo'ài kat guuveenjit łagwiinaadhan tr'igwiłtsaii gòo nan kak nagiheedadal gòo nan gwit'ih tseedhòh gahahtsaa geenjit gwiłiindhàn ejùk t'igòonch'uu dòi' nan t'atr'ahdach'aa eenjit atr'oodahkat gwi'dinet'èe jii Nan Kak Jidii T'atr'ahdach'aa Diıyeenjit Gòo'ài Eenjit Nadhàt Kat gwizhìt gugwahnàh'ah.

Nan Kak Jidii T'atr'ahdach'aa Eenjit Nadhat Kat Guudagwidjì'è' (NWT) t'at, April 1, 2014 dòi' gug'ài. Jii dagwidjì'è' gwinjik, April 1, 2015 dòi' jii Nan Kak Jidii T'atr'ahdach'aa Geenjit Nadhat Kat tr'igwiłtsaii ts'at nijin geenjit nigadhat April 1, 2016 dòi' nigugwinjì'ài. Yukon k'adagwidaadhat kat gwik'it, jii Nan Kak Jidii T'atr'ahdach'aa Geenjit Nadhat kat eenjit Canada, GNWT tseedhòh gwits'an gahtsih.

Dagweedi'ın': 2015/16:

Geenjit nadhat kat tr'oonjik, GNWT diıyah gugwàandak. Louie Azzolini, Elizabeth Wright, Danny Bayha, Darrell Christie ts'at Mike Vaydik April 1, 2015 jii Nan Kak Jidii T'atr'ahdach'aa Geenjit Nadhat eenjit guutr'òonjik ts'at nagwidadhat ihłoo gwinli' eenjit gwizhìt giheelyah. Nagwidadhat ihłak gwizhìt geenjit dagwidjì'è' ts'at nits'oo gwitr'it gwahahtsaa gałtsaii ts'at April 1, 2016 digigwitr'it eenjit nigugwinjì'ài. Jii guuzhik GNWT kat geenjit tr'igooheekat tthak gwizhìt nigugwinjì'ài.

2. Geenjit Nadhàt Kat Gwizhìt Gugwinah'in' Eenjit Diiyah Gugwàandak

2011/12 dàì' jii NWT eenjit nadhàt kat guutsèedhoo goodhài nilii, Canada jii geenjit diiyah gugwaandàk. Ezhik dàì' guutsèedhoo geenjit gòò'ài gwizhìt gugwahnah'aa ts'at gwiyeendoo gwiinzii natr'igwahahtsah, Canada geenjit diiyah gugwaandàk. Gwizhìt gugwahnah'aa gwichih jidii gwizhìt gugwahnah'aa gwi'dineht'ee ts'at guutr'oodahkat gwi'dineht'ee chan, Canada guuts'an gahtsàih, jii k'iighè' jii eenjit nadhàt kat guudii gigiheekhyaa geenjit Canada guuts'an gahtsàih. Canada iisrits'at gwizhìt gugwinah'in' ts'at guutsèedhoo geenjit dagwiheedya'aa gidiinù' gwichih geetak t'iyah zhìt guuts'at gigjikhè'.

Dagweedi'in': 2015/16 – 2017/18

2015/16 ts'at 2016/17 dàì' IC kat figiljil dàì' Canada akòò diguuvahnuu, gwizhìt gugwinah'in' ts'at digitsèedhoo nits'òò t'agahdahch'aa tr'ahatsaii t'ee tseedhòh eenjit nihkhah gigiheekhyaa gugwihèè'ah. Dagwiheedya'aa geenjit gwizhìt tr'igwinah'in, Canada niinzhùk gwiheedhaa giiniindhanh kwaa gòò, nihfnehch'i' k'iighè' guuvah niinzhuk gwichuudhàt.

2017/18 dàì', Canada jii geenjit ahà' gwehdeenjaa gugwìtsaii ts'at NWT geenjit nadhat kat ts'at tr'igjikhè' t'ee tseedhòh dagwahchii geenjit gwits'an tr'ahahtsaa gidiinù'. Jii GCLCA eenjit nadhat ts'at NWT gwizhìt nan eenjit tagwiinaadhan tr'igwìtsaii guuveenjit gòò'ài k'iighè', khaiintsàn' 2017/18 dàì' tseedhòh gwiyeendoo leii guuts'an tr'ahatsàih.

3. Gwizhìt Gwihee'aa Gwitsèedhòò'

GCLCA gwizhìt gòò'ài gwinjik jii geenjit nadhat kat tthak tseedhòh dagwahchii guuts'an tr'ahahtsaa jii IP gwizhìt gòò'ài. Tseedhòh guuts'an tr'ahatsii neekaii geenjit gòò'ài gwinjik t'agahdahch'ah: gwitr'it gwitseedhòò' t'at, GCLCA gwizhìt gòò'ài gugwitr'it eenjit t'agahdahch'aa: ts'at gwitr'it ezhii gwitseedhòò', jii t'at gwizhìt gòò'ài gwitr'it nihfnehch'i' gugwitahtsaa geenjit t'agahdahch'ah. Gwitr'it ezhii gwitseedhòò' t'at yi'eenji' k'adagwidaadhat kat geenjit tseedhòh gidi'ii j'gwits'an gahahtsah. Tseedhòh dagwahchii nagwidadhat ihlak gwits'an tr'ahatsii gahvidandàì' gwiiniindhan jì' Appendix A tr'igwahnah'ah.

4. Yukon Gwinagòò'ee Geenjit Tagwiinaadhan Nitr'ihee'aa Gwitsèedhòò'

GCLCA gwizhìt, Appendix C, Yukon Gwinagòò'ee Geenjit Tagwiinaadhan Tr'igwìtsaii geenjit gòò'ài, jùk GTC aii geenjit tseedhòh gwits'an gahtsih kwàh. Yukon gwinagòò'ee gwa'an Gwich'in Nan gòò'ài gwizhìt gwitr'it gugwahahtsaa geenjit tseedhòh ezhii, supplemental funding gugwahnuu, Canada gwits'an gahtsih.

Nagwidadhat 2013 – 2023 gwizhìt dagwiheedya'aa gwinuu t'ee nagwidadhat ihlak juutin geenjit tseedhòh dagwahchii diits'an tr'ahahtsaa gàhgwiheedandaih; Yukon Gwinagòò'ee Geenjit Tagwiinaadhan Tr'igwìtsaii geenjit gwitr'it gugwahahtsaa gwitsèedhoo jii gwizhìt heelyaa ts'at jii gwinagòò'ee gwitsèedhòò' geenjit tagwiinaadhan gugwahahtsaa, Yukon K'adagwidaadhat kat hàh geenjit gigiheekhyah.

APPENDIX A

Gwizhìt Gwihee'aa Gwitsèedhòo'

Jii dagweedi'in' diiyah tr'igwaandak gwizhìt, nagwidadhat gòo'aai, nigwihee'aa gwitsèedhòo' nits'òo t'atr'ahdahch'aa geenjit jii gwiyeezhak gwidinithit'oh:

2015/16			
Gwizhìt Gwihee'aa Eenjit Gòo'aai	Gwitr'it Gwitsèedhòo'	Gwitr'it Ezhii Gwitsèedhòo'	Tseedhòh Dagwàhchii Tthak
Gwich'in Gwichìt Kat	\$599,140	Tr'oochit Ejùk Natr'igwiłtsaii (Gwitoh Gwichuudhat Tł'ee Nihkhah Tr'igjìkhè'): \$82,556.20	\$1,007,314.20
Nan Gwi'ejìich'ii T'atr'ijahch'uu Guk'atr'inahtii Eenjit Nàdhat Kat	\$325,618	\$0	\$325,618
Gwich'in Eenjit Tr'igjìkhii Kat	\$50,709	\$0	\$50,709
Gwich'in Nàn ts'at Chuu K'andehtr'inahtii Eenjit Nàdhat Kat	\$843,936	\$0	\$843,936
Gwich'in Nàn Nits'òo T'atr'ahdahch'aa Geenjit Nàdhat Kat	\$310,811	\$0	\$310,811
Nan Gwi'ejìich'ii T'atr'ijahch'uu Guk'atr'inahtii Eenjit Nàdhat Kat	\$806,541	\$0	\$806,541
Nàgwìchoonjik Gwinagòo'ee Agwehdeendal Gwizhìt Tr'igwinah'in Eenjit Nijìlzhii Kat	\$2,796,056	\$0	\$2,796,056

2016/17			
Gwizhìt Gwihèe'aa Eenjit Gòo'aa	Gwitr'it Gwitsèedhò'	Gwitr'it Ezhii Gwitseedhò'	Tseedhòh Dagwàhchii Tthak
Gwich'in Gwichìt Kat	\$608,667	Tr'oochit Ejùk Natr'igwiłtsaii (Gwitr'it Gadiitr'oonahatan Gwichìt): \$30,000 Ejùk Natr'igwiłtsaii Neekaii (ejùk nigwinjj'aa, GIPP): \$3,767.24 Ejùk Natr'igwiłtsaii Tik (Gwitoł Gwichuudhat T'ee Nihkhah Tr'igjjikhè'): \$86,530.59 Dagwàhchii Ejùk Natr'igwiłtsaih: \$120,297.83	\$1,059,759.83
Nan Gwi'ejìich'ii T'atr'ijahch'uu Guk'atr'inahtii Eenjit Nàdhat Kat	\$330,795	\$0	\$330,795
Gwich'in Eenjit Tr'igjjikhii Kat	\$0	\$0	\$0
Gwich'in Nàn ts'at Chuu K'andehtr'inahtii Eenjit Nàdhat Kat	\$857,355	\$0	\$857,355
Gwich'in Nàn Nits'òo T'atr'ahdahch'aa Geenjit Nàdhat Kat	\$315,753	\$0	\$315,753
Nan Gwi'ejìich'ii T'atr'ijahch'uu Guk'atr'inahtii Eenjit Nàdhat Kat	\$819,365	Tr'oochit Ejùk Natr'igwiłtsaii (Nin Agwehdèendal Ahdàndaii): \$91,884	\$819,365
Nàgwìchoonjik Gwinagòo'ee Agwehdeendal Gwizhìt Tr'igwinah'in Eenjit Nijìlzhii Kat	\$2,840,516	\$0	\$2,840,516

APPENDIX A

Gwizhìt Gwihee'aa Gwitsèedhò'

2017/18			
Gwizhìt Gwihee'aa Eenjit Gòo'aii	Gwitr'it Gwitsèedhò'	Gwitr'it Ezhii Gwitsèedhò'	Tseedhòh Dagwàhchii Tthak
Gwich'in Gwichìt Kat	\$747,458	Tr'oochit Ejùk Natr'igwìtsaii (Gwitr'it Gadiitr'oonahntan Gwichìt): \$30,000 Ejùk Natr'igwìtsaii Neekaii (ejùk nigwinjì'aii, GIPP): \$24,863.86 Ejùk Natr'igwìtsaii Tik (Gwitoh Gwichuudhat T'ee Nihkhah Tr'igìjkhè'): \$100,095 Ejùk Natr'igwìtsaii Daankat Tseedhòh Dagwàhchii Tr'ahdaatsaa Gwizhìt Tr'igwinah'in Eenjit Łitr'iljil): \$19,380 Ejùk Natr'igwìtsaii Ihłooogwinli' (Yukon Gwinagòo'ee Geenjit Łagwiinaadhan Gwitsèedhò': \$357,828.87 Dagwàhchii Ejùk Natr'igwìtsaii: \$532,167.73	\$1,279,625.73
Nan Gwi'ejìich'ii T'atr'ijahch'uu Guk'atr'inahtii Eenjit Nàdhat Kat	\$680,000	\$0	\$680,000
Gwich'in Eenjit Tr'igìjkhii Kat	\$0	\$0	\$0
Gwich'in Nàn ts'at Chuuk'andehtr'inahtii Eenjit Nàdhat Kat	\$985,958	\$0	\$985,958
Gwich'in Nàn Nits'òo T'atr'ahdahch'aa Geenjit Nàdhat Kat	\$420,753	\$0	\$420,753
Nan Gwi'ejìich'ii T'atr'ijahch'uu Guk'atr'inahtii Eenjit Nàdhat Kat	\$1,019,365	Tr'oochit Ejùk Natr'igwìtsaii (Dagwiheedyaa'aa Gwiiniindhan Geenjit Łitr'iljil): \$18,463.45	\$1,037,828.45
Nàgwìchoonjik Gwinagòo'ee Agwehdeendal Gwizhìt Tr'igwinah'in Eenjit Nijilzhii Kat	\$3,440,516	Tr'oochit Ejùk Natr'igwìtsaii (NWT Hàh Tr'igiheekhyaa Eenjit Nàdhat Gaguutr'oonahntan): \$150,000	\$3,590,516